



冊府元龜

卷之百十九
至二十一



13
849
42



明 1 3
849
42



冊府元龜

淮南李嗣京叅閱

西極文翔鳳訂正

豫章黃國琦較釋

帝王部

一百十九

傳曰君子聽鼓鼙之聲則思將帥之臣蓋夫總中權
之任貞出師之律上所注意人之司命故其為重也
繇夏商而上靡得而詳周官司馬掌九伐之法以詰
誅暴慢自漢以來或慎簡智勇委之兵柄乃有備物

加禮而表其待遇分闔假鉞而申之委任方面付之
經畧諸將稟其節度推擇之難斯可見矣或斷自宸
志或薦於公府僉諧而登用推誠以付託曷嘗不奮
庸而底績哉

周宣王使大夫尹氏策命程伯休父於軍將行治兵
之時使其士衆左右陳列而勅戒之使循彼淮上之
旁省視徐國之土地叛逆者故召穆公作嘗武之詩
以美之曰王謂尹氏命程伯休父左右陳行戒我師
旅率彼淮浦省此徐土

漢高祖初爲漢王王巴蜀時韓信數與蕭何語何奇
之至南鄭諸將道亡者數十人信度何等已數言

量也上不我用卽亡何聞信亡不及以聞自追之人有

言帝丞相何亡帝怒如失左右手居一二日何來謁
帝且怒且喜罵何曰若亡何也若汝也何曰臣非敢亡

追亡者耳帝曰所追者誰也曰韓信帝復罵曰諸將
亡者以十數公無所追追信詐也何曰諸將易得至

如信國士無雙爲國家之奇也王必欲長王漢中無所事信

無事用信必欲爭天下非信無可與計事者顧王策安決
顧思念也王曰吾亦欲東耳安能鬱鬱久居此乎何曰王

計必東能用信信卽留不能用信信終亡耳王曰吾

為公以為將何曰雖為將信不留王曰以為大將何
曰幸甚於是王欲召信拜之何曰王素嫚無禮嫚與慢同

今拜大將如召小兒此乃信所以去也王必欲拜之
擇日齋戒設壇場具禮乃可王許之諸將皆喜人人

各自以為得大將至拜乃韓信也一軍皆驚又初攻
下外黃西收軍於滎陽楚騎來眾王廼擇軍中可為

騎將者皆推故秦騎士重泉人李必駱申重泉縣名也地理志

屬左馮翊習騎兵今為較尉可為騎將漢王欲拜之必申

曰臣故秦民恐軍不信臣臣願得大王左右善騎者

傳之傳音附猶言隨從者嬰雖少然數力戰乃拜中謁者灌嬰

為中大夫令李必駱申為左右較尉將郎中騎兵擊

楚騎於滎陽東大破之漢書卷九十四

後漢光武初赤眉西入關更始使定國上公王康襄

邑王成丹抗威將軍劉均及諸將分據河東弘農以

拒之赤眉眾大集王康等莫能當光武籌赤眉必破

長安欲乘釁并關中而方自事山東未知所寄以鄧

禹沉深有大度故授以西討之畧乃拜為前將軍持

節中分麾下精兵二萬人遣西入關令自選偏裨以

下可與俱者於是以韓歆為將軍師李文李春程慮

為祭酒馮愔為積弩將軍樊崇為驍騎將軍宗歆為

選將
車騎將軍鄭尋為建威將軍耿訢為赤眉將軍左右子
為將師將軍

建武元年帝以王霸曉兵愛士可獨任拜為偏將軍
并將臧宮傅俊兵討周建蘇茂明年春帝使太中大
夫持節拜霸為討虜將軍

二年帝以赤眉延岑暴亂三輔郡縣大姓各擁兵眾
大司徒鄧禹不能定乃遣馮異代禹討之帝送至河
陽賜以乘輿七尺具劔勅異曰三輔遭王莽更始之
亂重以赤眉延岑之酷元元塗炭無所依訴今之征
伐非必畧地屠城要在平定安集之耳諸將非不健

鬪然好擄掠卿本能御吏士念自修勅無為郡縣所
苦異頓首受命

四年拜馬成為揚武將軍督誅虜將軍劉隆振威將

軍宋登射聲較尉王賞發會稽丹陽九江六安四郡

兵擊李憲時帝幸壽春設壇塲祖禮遣之共工氏之
子曰修好

遠遊舟車所至足跡所逮靡不
窮覽故祀以為祖神祖祖也

明帝時鄧禹少子鴻好籌策永平中以為小侯引入

與議邊事帝以為能拜將兵長史率五營士屯鴈門

竇固為中郎將坐事廢于家明帝欲遵武帝故事擊

匈奴通西域以固明習邊事拜為奉軍都尉與耿忠

率萬二千騎至天山擊呼衍王斬首千餘級
桓帝時橋玄拜將作大匠鮮卑南匈奴及高句驪嗣
子伯固竝畔爲寇鈔四府舉玄爲度遼將軍假黃鉞
馮緄爲太嘗會長沙蠻寇益陽屯聚積久至延熹五
年衆轉盛而零陵蠻賊復反應之合二萬餘人攻燒
城郭殺傷長吏又武陵蠻夷悉反寇掠江陵間荊州
刺史劉度南郡太守李肅竝奔走荆南皆沒於是拜
緄爲車騎將軍將兵十餘萬討之詔策緄曰蠻夷猾
夏久不討攝各焚都城蹈籍官人州郡將吏死職之
臣相逐奔投曾不反顧可愧言也將軍素有威猛是

以擢受六師前代陳湯馮傳之徒以寡擊衆瑯支夜
郎樓蘭之戎頭懸都街衛霍北征功刻金石皆是將
軍所究覽也今非將軍誰與修復前迹進赴之宏權
時之策將軍主之出郊之事不復內御已命有司祖
于國門詩不云乎進厥虎臣闕如虢虎鋪敦淮濟仍
執醜虜將軍勉之時天下饑饉帑藏虛盡每出征伐
嘗減公卿奉祿假王侯租賦前後所遣將帥官輒陷
以折耗軍資往往抵罪緄性烈直不行賂賄懼爲所
中乃上疏曰執得容姦伯夷可疑苟曰無猜盜跖可
信故樂羊陳功文侯示以謗書願請中嘗侍一人監

軍財費尚書朱穆奏緹以財自嫌入大臣之節有詔勿劾

魏太祖時許褚遷武衛將軍都督中軍宿衛禁兵甚親近焉初褚所將爲虎士者從征伐帝以爲皆壯士也同日拜爲將其後以功爲將軍封侯者數十人都尉較尉百餘人皆劔客也

文帝黃初中大將軍曹仁薨以蔣濟爲東中郎將代領其兵詔曰卿兼資文武志節愜懷嘗有超越江湖吞吳會之志故復授將帥之任

張旣爲雍州刺史鄒岐爲涼州刺史涼州虛水胡伊健妓妾治元多等反河西大擾帝憂之曰非旣莫能安涼州乃召鄒岐以旣代之詔曰昔賈復請擊郾賊光武笑曰執金吾擊郾吾復何憂卿謀畧過人今則其時以便安從事勿復先請

明帝太和末遼東叛帝欲征之而難其中領軍楊暨舉殄夷將軍田豫應乃使豫以本官督青州諸軍假節往討之

高貴鄉公正元二年八月蜀將姜維寇狄道詔以長水校尉鄧艾行安西將軍與征西將軍陳泰并力拒維復遣太尉司馬孚爲後繼

丹鳳元龜 卷之二十九
甘露二年七月詔曰今車駕駐項大將軍恭行天罰
前臨淮浦昔相國大司馬征討皆與尚書俱行今宐
如舊乃令散騎嘗侍裴秀給事黃門侍郎鍾會咸與
大將軍俱行

晉文帝時石苞爲徐州刺史帝之敗於東關也苞獨
全軍而退帝指所持節謂苞曰恨不以此授卿以究
大事乃遷苞爲奮武將軍假節監青州諸軍事

武帝時杜預爲度支尚書時帝有滅吳之計而朝議
多違唯預羊祜張華與帝意合及祜病舉預自代因
以本官假節行平東將軍領征南軍師及祜卒拜鎮

南大將軍都督荊州諸軍事給追鋒車第二駟馬

武帝咸康元年四月石季龍寇歷陽癸丑帝觀兵於
廣莫門分命諸軍遣將軍劉仕救歷陽平西將軍趙
裔屯慈湖龍驤將軍路永戍牛渚建武將軍王允之
戍蕪湖司空郗鑒使廣陵相陳光帥衆衛京師
簡文帝時殷浩爲楊州刺史石季龍死胡中大亂朝
廷欲遂蕩平關河於是浩爲中軍將軍假節都督
揚豫徐兗青五州軍事浩既受命以中原爲已任上
疏北征許雒將發墜馬時咸惡之既而以淮南太守
陳達兗州刺史蔡裔爲前鋒安西將軍謝尚北中郎

將荀羨爲督統開江畛田千餘頃以爲軍儲

孝武帝時王恭爲中書令時孝武將擢時望以爲藩屏乃以恭爲都督兗青冀幽并徐州晉陵諸軍事平北將軍兗青二州刺史假節鎮京口初都督以北爲號者累有不祥故桓冲王坦之刁彞之徒不受鎮北之號恭表讓軍號以趨受爲辭而實惡其名於是改號前將軍

安帝元興初朝廷將伐桓玄以桓氏世在陝西以大將軍府司馬桓謙父冲有遺惠於荆楚懼人情向背乃用謙爲持節都督荆益寧梁四州諸軍事西中郎將荆州刺史假節以安荆楚

後魏道武時長孫肥爲鎮遠將軍兗州刺史姚平之寇平陽帝將討之選諸將無如肥者乃徵還京師遣與毗陵王順等將六萬騎爲先鋒
太武時來太干爲征北將軍鎮雲中帝以其壯勇數有戰功兼悉北境險阻乃以太干巡撫六鎮以防寇虜經略布置甚得事宐
神麌三年七月聞宋將來寇遂詔大鴻臚卿杜超假節都督冀定相三州諸軍事行征南大將軍太宰進爵爲王鎮鄴爲諸軍節度

司馬文思爲廷尉卿宋遣將裴方明擊楊難當於仇池帝以文思爲假節征南大將軍督雜豫諸軍南趨襄陽邀其歸路

文成時源懷拜殿中尚書加侍中參都曹事又督諸軍征蠕蠕六道大將咸受節度

孝文太和中堯暄爲南部尚書時梁遣其將陳顯達寇邊以暄爲使持節假中護軍將軍都督南征諸軍事平陽公軍次許昌會陳顯達遁走暄乃班師

太和十七年孝文南討詔趙郡王幹司空穆亮爲西道都將時幹年少未涉軍旅帝乃除薛裔假節平南

將軍爲幹副軍

宣武時邢巒爲安西將軍徵授度支尚書時梁遣兵侵軼徐兗緣邊鎮戍相繼陷歿朝廷憂之乃以巒爲使持節都督東討諸軍事安東將軍尚書如故帝勞遣巒於東堂曰蕭衍寇邊旬朔滋甚諸軍舛于規致連戍陷歿宋魯之民尤罹湯炭誠知將軍旋京未久滕下難違然東南之寄非將軍莫可將軍其勉建殊績以稱朕懷自古忠臣亦非無孝也巒對曰賊雖遠死連城大逆衆盛然逆順理殊滅當無遠况臣仗陛下之神筭奉律以摧之平殄之期可指辰而待願陛

下勿以東南爲慮宣武曰漢祖有云金吾擊郾吾無憂矣今將軍董戎朕何慮哉

蕭寶寅以梁武克建業殺其兄弟避害來奔後永平四年盧景尅梁朐山戍以瑯邪戍主傅文驥守之梁遣師攻文驥盧昶督衆軍救之宣寶寅爲使持節假安南將軍別將長驅往赴受盧昶節度賜帛三百疋宣武於東堂餞之詔曰蕭衍送死連兵再離寒暑卿忠規內挺孝誠外亮必欲鞭尸吳墓戮衍江陰故授卿以摠統之任仗卿以克捷之規宐其勉歟寶寅對曰讎恥未復枕戈俟旦雖無申包之志敢忘伍胥之心

今仰仗神謀俯厲將帥誓必拉彼奸勅以清王畧聖澤下臨不勝悲荷因泣涕橫流哽咽良久於後盧昶軍敗唯寶寅全師而歸

李平爲度支尚書領御史中尉冀州刺史京兆王愉反於信都以平爲使持節都督北討諸軍事鎮北將軍行冀州事以討之宣武臨式乾殿勞遣平曰愉朕之元弟居不疑之地豺狼之心不意而發欲上傾社稷下殘萬民大義滅親夫豈獲已周公行之於古朕亦當之於今今委卿以專征之任必令應期摧殄務盡經畧之規勿虧推轂之寄也何圖今日言及斯事

因歎歔流涕平對曰臣愉天迷其心構此梟悖陛下以臣不武委以總督之任今大宥既敷便應有征無戰脫守迷不悟者當仰憑天威抑厲將士譬猶太陽之消微露巨海之蕩螢燭天時人事咸在昭然如其稽顙軍門則送之大理若不悛待戮則鳴鼓釁征非陛下之事又梁遣其左右遊擊將軍趙祖悅偷據西碛石衆至數萬以逼壽春鎮南崔亮攻之未尅又與李崇乖異詔平以本官使持節鎮軍大將軍兼尚書右僕射爲行臺節度諸軍東西州將一以稟之如有乖異以軍法從事

楊大眼爲中山內史時高肇征蜀宣武慮梁侵軼徐揚乃徵大眼爲太尉長史持節假平南將軍東征別將隸都督元遙遏禦淮淝

孝明時李崇爲征南將軍揚州刺史詔曰應敵制變筭非一途救左擊右疾雷均勢今胸山蟻寇久結未殄賊衍狡詐或生詭劫宜遣銳兵備其不意崇可都督淮南諸軍事坐敦威重遙運聲筭次爲尚書令加侍中後北鎮破落汗拔陵反叛所在響應征北將軍臨淮王彧大敗於五原安北將軍李叔仁尋敗於白道賊衆日甚詔引丞相令僕尚書侍郎黃門於顯陽

殿詔曰朕比以鎮人構逆登遣都督臨淮王尅時除
翦軍留五原前鋒失利二將殞命兵士挫衄又武川
乖防復陷凶手恐賊勢浸淫寇連恒朔金陵在彼夙
夜憂惶諸人宜陳良策以副朕懷吏部尚書元修義
曰強寇充斥事須捍討臣謂須得重貴鎮壓嘗朔摠
彼師旅備衛金陵詔曰去歲阿那環叛逆遣李崇令
北征崇遂長驅塞北返節榆關此亦一時之盛乃上
表求改鎮爲州罷削舊貫朕于時以舊典難革不許
其請尋李崇此表開鎮人非異之心致有今日之事
但旣往難追爲復畧論此耳朕以李崇國戚望重器

識英斷意欲還遣崇行摠督三軍揚旗嘗朔除彼羣
盜諸人謂可爾以不僕射蕭寶寅等曰陛下以舊都
在此憂慮金陵臣等實懷悚息李崇德位隆重社稷
之臣陛下此遣實合羣望崇啓曰臣實無用猥蒙殊
寵位妨賢路遂充北伐徒勞將士無勳而還慙負聖
朝於今莫已臣以六鎮幽壘與賊接對鳴柝聲茲弗
離旬朔州名差重於鎮謂實可悅彼心使聲教日揚
微塵去塞豈敢導此凶源開生賊意臣之愆負死有
餘責屬陛下慈寬賜全腰領今更遣臣北行正是報
恩改過所不敢辭但臣年七十自恨老疾不堪敵場

更願英賢收功盛日於是詔崇以本官加使持節開府北討大都督撫軍將軍崔暹鎮國將軍廣陵王淵皆受崇節度

高樹生太尉謚之予忠氣俠不仕孝昌初北州大亂詔發衆軍廣開募賞以樹生有威畧授以大都督令率勁勇鎮捍舊藩

周武帝保定四年十月詔大將軍大冢宰晉國公護率軍伐齊帝於太廟庭授以斧鉞於是護摠大軍出潼關大將軍權景宣率山南諸軍出豫州少師楊檟出鞏關建德二年六月大選諸軍將最以戎事

梁士彥以軍功拜儀同三司武帝將有事東夏聞其勇決自扶風郡守除九曲鎮將進位上開府封建威縣公齊人甚憚焉

隋高祖時相州王謙構逆帝將擊之間將於高熲答曰于義素有經畧可爲元帥帝初然之劉昉進曰梁睿位望素重不可居義之下帝乃止於是以睿爲元帥義爲行軍摠管

周搖爲豫州摠管開皇初突厥寇邊燕薊多被其患前摠管李崇爲虜所殺帝思所以鎮之臨朝曰無以加周搖者拜爲幽州摠管六州五十鎮諸軍事搖修

鄯塞謹斥堠邊民以安

源雄為朔州總管深為北夷所憚伐陳之役高祖下
冊書曰於戲唯爾上大將軍朔方公雄識悟明允風
神果毅往收徐方時逢寇逆建旗馬邑安撫北藩嘉
謀絕外境之虞挺劍息韋韞之望沙漠以北俱荷威
恩呂梁之間罔不懷惠但江淮蕞爾有陳僭逆今將
董率戎旅清彼東南是用命爾為行軍總管往欽哉
於是從秦王俊出信州道及陳平以功進位上柱國
賜子崇爵端氏縣伯褒為安化縣伯賜物五千段復
鎮朔州

韓洪為廉州刺史時突厥屢為邊患朝廷以洪驍勇
簡較朔州總管事尋拜代州總管

賀若弼周末為壽州刺史及高祖受禪陰有併江南
之志訪可任者高頴曰朝臣之內文武才幹無出賀
若弼者帝曰公得之矣乃拜弼為吳郡總管委以平
陳之事弼忻然以為已任

李衍為介州刺史朝廷將有事江南詔衍行襄州道
營戰船及大衆伐陳授行軍總管從秦王俊出襄陽
道

杜彥為洪州總管時雲州總管賀婁子幹卒帝悼惜

者久之因謂侍臣曰榆林國之重鎮安得子幹之輩乎後數日帝曰吾思可以鎮榆林者莫過杜彥於是徵拜雲州摠管十八年遼東之役以行軍摠管從漢王至營州帝以彥曉習軍旅令摠管五十營事及還拜朔州摠管

煬帝大業十年齊郡賊盜孟讓寇掠諸郡王世充大破之帝以世充有將帥才畧復遣領兵討諸小盜所向盡平

唐高祖武德六年八月東南道行臺僕射輔公祐據丹陽反僭稱宋王遣趙郡王孝恭及嶺南道大使永康縣公李靖討之

太宗貞觀三年十一月以并州都督李世勣爲通漢道行軍摠管兵部尚書李靖爲定襄行軍摠管以擊突厥
八年十二月命特進李靖兵部尚書侯君集刑部尚書任城王道宗涼州都督李大亮等爲大摠管各帥師分道以討吐谷渾
十三年十二月以吏部尚書侯君集爲交河道行軍大摠管帥師伐高昌
十八年十一月命太子詹事英國公李勣爲遼東道

行軍總管出柳城禮部尚書江夏郡王道宗副之刑部尚書鄖國公張亮為平壤道行軍總管以舟師出萊州左領軍嘗河瀘州都督左難當副之以伐高麗高宗永徽二年七月賀魯寇陷金嶺城蒲類縣遣武候大將軍梁建方右驍衛大將軍契苾何力為弓月道總管以討之

六年五月命左屯衛大將軍瀘國公程知節等五將軍帥師出蔥山道以討賀魯
顯慶元年二月命右屯衛將軍蘇定方等將四將軍為伊麗道將軍帥師以討賀魯

四年十一月以邢國公蘇定方為神丘道總管劉伯英為昆夷道總管以伐百濟

龍朔元年五月命左騎衛大將軍梁國公契苾何力為遼東道大總管左武衛大將軍邢國公蘇定方為平壤衛大總管兵部尚書同中書門下三品樂安縣公任雅相為淇江道大總管以伐高麗
麟德元年十月命司空英國公李勣為遼東道行軍大總管以伐高麗

三年正月以右相劉仁軌為遼東道總管
總章二年六月遣右衛大將軍涼國公契苾何力為

駕海道大總管三年四月以左衛大將軍薛仁貴爲
邏娑道行軍大總管右衛員外大將軍阿史那道真
左衛將軍郭待封爲副領兵五萬以擊吐蕃

咸亨五年二月遣太子左庶子同中書門下三品劉
仁軌爲雞林道大總管以討新羅仍令衛尉卿李弼
右領軍大將軍李謹行副之

上元三年三月吐蕃入寇部廓河芳四州命維州牧
周王顯爲洮州道行軍元帥領工部尚書劉審禮等
十二總管并州都督相王輪爲涼州道行軍元帥領
左衛將軍契苾何力等軍以討吐蕃二王竟不行

永隆二年正月遣禮部尚書裴行儉爲定襄道大總
管帥師討突厥

永淳二年十一月命將軍程務挺爲單于道安撫大
使以招討總管討山賊元珍骨篤祿賀魯等

中宗神龍三年五月以屯衛大將軍兼簡較雜州長
史張仁亶爲朔方道大總管以備突厥

玄宗開元二年四月庚午勅曰大漠南守長河北介
地險可憑天兵有警夏潦方壯冬冰未合料敵安邊
存乎備預靈武道行軍副大總管右領軍衛大將軍
張知運神氣雄傑兵謀果斷持軍出塞可使單于喪

膽抗敵臨邊足令勇夫增氣安令先持節赴軍簡行
處置并緣邊州軍兵馬等亦委知運量事均融乃與
幽州刺史攝御史中丞強修計議便安支備事訖聽
覽入京奏事姚崇職兼樞劇未要卽行副旣掌同一
依軍令

三年夏四月庚申帝以遺邏祿等部落新歸恐邊境
有虞思建將帥乃下詔曰命彼太師聞乎周頌安得
猛士欽若漢圖朕懷柔百蠻茂育萬姓綏之則教人
息戰靖之則去兵不用故犇戎是逐前史嘗載夷狄
爲亂先王必征所以罰其不悛徵其卽敘朔方軍壘

接太原之備胡右地城池控張掖之遮虜是用誠于
師旅揚我兵威誰其任之肅此將命右羽林軍大將
軍上柱國河東郡開國公薛訥左衛大將軍上柱國
太原郡開國公郭虔瓘等旣明且哲緯武經文登壇
有大將之容辭第有忠臣之志或斬其愛子掃塵而
清北風或俘其名王却地而盡西海故可以率如羆
之勇當非熊之寄然則井陘之關昔不成列河源之
路舊多鑿空設險而張遠謀摠戎而獻長策俾爾之
效在於斯舉固當殲其種落告成於王豈爲完我甲
兵逸而待寇而已訥可持節充梁州鎮軍大摠管赤

水建康河源及緣邊州軍並受節度仍與郭虔瓘張知運杜賓客相知共爲表裏夙設方畧虔瓘可持節充朔州鎮大總管和戎大武及并州以北緣邊州軍並受節度仍與張知運甄道一相知共爲犄角勿失權宜訥便特於涼州任涼州都督楊執一爲副大總管虔瓘於并州任并州長史王駿爲副大總管宓排比兵馬精加教練幽州有事卽令虔瓘將和戎兵馬從嘗州土門與甄道一計會共討兇逆其同華等兵及精騎健兒并鞍馬等依三月十五日制仍令遠探量事續遣

十月壬戌制曰古之命將帥訓甲兵所以宣威武而制戎狄也白非欒郤之裔孫吳之才何以摠中軍而絕大漠矣右羽林軍大將軍上柱國河東郡開國公涼州鎮軍大總管薛訥家代名將國朝元臣智勇泉源氣橫雲電廟堂之上則寬而有謀旗鼓之間則勇而無撓頃者單于地隔驕子天亡衆已離心魑魅懸首今則須行弔伐用滅逋逃宐憑推轂之權將待覆巢之勢可持節充朔方道行軍大總管太僕卿呂延祚謀慮經遠才明沉斷右威衛將軍兼靈州刺史杜賓客三軍之雄萬人之敵以之入幕孰不師臧曾謂

出車肅茲王命竝宐充副總管

蕭嵩為兵部侍郎時涼州刺史河南節度王君奭家在瓜州為吐蕃大將悉諾邏恭祿所攻河隴震駭俄而君奭又為迴紇諸部所殺朝廷議以大臣出鎮以靜邊隅乃拜嵩為兵部尚書河西節度判涼州事嵩乃奏裴寬郭虛已牛仙客為判官左金吾衛員外將軍張守珪為瓜州刺史邊境獲安軍師屢捷帝大悅制以嵩同中書門下三品恩顧莫二

大寶十四年十一月范陽節度安祿山稱兵向闕詔以朔方節度副使兼靈武郡太守御史大夫安思順

為戶部尚書弟元貞為太僕卿朔方右廂兵馬使九原郡太守兼西受降城使郭子儀為衛尉卿員外郎置同正員兼靈武郡太守攝御史中丞充朔方節度關內支度副大使知節度事

十五載勅子儀圍雲中收復河朔以朔方節度副使

單于副都護李光弼為雲中太守攝御史大夫充河

東節度副大使知節度事委以東討

代宗實錄載天寶末安祿山反

玄宗注意武將光弼子儀皆蒙召見于內殿竝稱旨特拜光弼代祿山為范陽節度使委以東討

肅宗上元二年二月李光弼兵敗於邙山河陽太守

魚朝恩退保陝州三年二月河中軍亂殺其帥李國

貞時太原節度使鄧景山亦爲部下所殺恐其合從連賊朝廷憂之後輩帥臣未能彈壓勢不獲已遂用郭子儀爲朔方河中北庭潞儀澤泌等州節度行營行興平定國副元帥充本管觀察處置使進封汾陽王出鎮絳州

三月丙申詔曰時屬艱難用勤師旅元帥之任必藉廟謀苟非人傑孰允斯寄司徒兼中書令朔方節度副大使子儀風雲有感星象降生秉文武之姿懷經濟之器自兇狂構禍區宇未寧蘊忠貞以立身資義勇而成務加其識度弘遠謀畧冲深張飛乃萬人之

敵鄒穀是三軍之帥故能掃清強寇收復二京建茲大勳成我王業雖少康嗣位夏靡贊其功光武中興鄧禹集其事以今觀古未足多之但以氛祲未清軍戎是急爰求碩德伏以師貞空承重委克濟多難可充東京畿及山南東道并河南諸道元帥仍權知東京留守

五月丙戌詔曰元帥之任實屬於師貞左軍之選諒資於邦傑自非道申啓沃學貫韜鈴則何以翊分闡而專征膺鑿門而受律求諸將相允得其人司空兼侍中薊國公光弼器識弘遠志懷沉毅蘊孫吳之畧

有文武之才往屬艱難備形忠勇叶風雲而經始保
宗社于阡危繇是出備長城入扶大厦茂功懸於日
月嘉績被於巖廊屬殘寇猶虞總戎有命用擇惟賢
之佐式弘建親之典必能緝寧邦國叶贊天人誓餘
丹浦之師勦彼綠林之盜載申朝獎爰藉舊勳安副
出車之命仍踐分麾之寵仍與天下兵馬元帥趙王
係爲副知節度行營事

來瑱爲潁川郡太守乾元中史思明又陷東京詔瑱
爲陝州刺史充陝虢節度使鎮陝州俾遏東寇無何
襄州鎮兵擾亂轉瑱爲襄州刺史充山南東道節度

觀察等使

代宗寶應元年七月辛卯詔曰工部尚書兼御史大
夫隴右節度觀察等使大寧郡王僕固懷恩經武大
才濟時良具今以寇窘河維思用討除宐輟務於西
陲俾廓清於東夏可充朔方行營節度使本官封如
故時將收河維以懷恩宿將勇而有謀乃委以東討
廣德元年冬吐蕃寇京師乘輿幸陝州以右羽林大
將軍衛伯玉有幹畧可當重寄乃拜荆南節度觀察
等使

二年正月丁巳詔太子賓客薛景仙爲南山五溪谷

防禦使時蕃寇初潰兇徒盜聚山谷或至數百人晝
伏夜動攻害閭里人不甚寧景仙素以勇猛知名及
是行也老幼咸悅

德宗建中四年七月以神策大將軍尚可孤兼御史
大夫充荆襄應援淮西使

興元二年四月帝在梁州臨軒備禮授副元帥渾瑊
節鉞中書令宣制內寇賊于紀授爾節鉞以戡多難
往欽哉瑊跪曰將相之重悉以寄臣誓當畢力以揚
陛下之休拜受而退八月癸卯加神策軍京畿衛渭
南渭北鄜坊節度及兵馬副元帥司徒兼中書令合

册郡王食實封一千五百戶李晟兼鳳翔尹充隴右
節度支度營田觀察使仍充管內諸軍及涇原四鎮
北庭行營兵馬副元帥改封西平郡王加河東保寧
軍節度觀察使太原尹北都留守簡校司徒平章事
北平郡王馬燧奉城軍及晉慈隰節度並管內諸軍
行營兵馬副元帥以靈鹽豐夏節度使邠寧振武奉
天永平等軍馬副元帥侍中兼靈州大都督樓煩郡
王食實封一千八百戶渾瑊爲河中尹河中絳州節
度觀察等使仍充河中同絳陝虢節度及管內諸軍
行營兵馬副元帥改封咸寧郡王

貞元初樊澤爲襄陽節度使三年代張伯儀爲荆南節度觀察等使江陵尹兼御史大夫三歲加簡較禮部尚書會襄州節度曹王臯卒於鎮軍中剽掠擾亂以澤威惠素著於襄漢復代曹王臯爲襄州刺史山南東道節度使

劉昌初爲宣武軍節度使劉玄佐兵馬使貞元三年玄佐朝京師帝因以宣武士衆八千人委昌北出五原軍中有退却沮事者昌繼斬三百人遂行尋以本官授京西行營節度使歲餘授涇州刺史充四鎮北庭行軍兼涇原節度度支營田等使

李自良爲河東軍都將德宗欲以自良代馬燧爲節度使自良以事燧久不欲代爲軍帥帝以河東密邇胡戎難於擇帥翌日自良謝帝謂之曰卿於馬燧存軍中事分誠爲得體然北門之寄無易於卿卽日拜簡較工部尚書兼御史大夫太原尹北都畱守河東節度度支營田觀察等使
十一年河東節度李自良卒以行軍司馬兼太原少尹御史大夫李說知府事爲河東節度支度營田觀察留後北都副留守初自良得疾凡六日卒匿喪至明日乃揚言病丙戌乃告喪先是都虞候張瑤久在

軍素得衆心嘗請告還葬自良未許至是李說與監軍王定遠謀乃給瑤假以大將毛朝賜代瑤戊子遣以聞先是中使第五國珍奉使靈朔迴至太原遇自良病困遲留比知自良死乃馳赴京師先李說使至帝因命國珍齎授誥命往太原兼勅書三十餘封賜其大將及管內刺史焉

十五年蔡州吳少誠悖逆詔宣武等十節度討之十二月王師大潰於小澗河時軍旣烏合且無統帥諸營兵馬無多少各有監軍數十人專掌兵制進退討襲互相規利故未甚與賊交鋒而自潰劔車與戈甲資糧扉履竝爲賊所有繇是議討使之選

十六年二月以左神策軍行營監軍夏綏銀州節度觀察押蕃落使韓全義爲蔡州行營招討處置使應北路行營諸軍將士竝取全義指麾陳許節度度支營田觀察使上官悅充副使

李景畧貞元中爲河東節度行營司馬歲餘風言迴紇將南下降山豐州宐得其人宐素知景畧居邊練事時方軫慮中官竇文場在旁佞言景畧堪任於是以景畧爲豐州刺史天德軍西安降城都防禦使高固建中末爲邠寧節度渾瑊裨將李懷光旣叛使

留後張昕取將士萬餘人以資授河中固時在軍中
斬所以狗授前軍兵馬使貞元十七年節度使楊朝
晟卒軍中請固為帥德宗念固前功因而授之累官
至簡較右僕射

册府元龜

淮南李嗣京叅閱

西極文翔鳳訂正

豫章黃國琦較釋

帝王部

一百二十一

選將第二

唐憲宗初高崇文為長武城使永貞元年冬劉闢阻
兵朝議討伐宰臣杜黃裳以為獨任崇文可以成功
元和元年春拜簡較工部尚書兼御史大夫充右神
策行營節度使兼統左右神策奉天麟遊諸鎮兵以

討闢時宿將專征者甚衆人人自謂當選及詔出大驚崇文在長武練卒五千嘗若寇至及是中使至長武卯時宣命而辰時出師五千器用無闕者

元和二年四月甲子以尚書右僕射伊慎代范希朝爲右金吾衛大將軍以希朝代李樂爲靈州長史充朔方靈鹽節度仍進位簡較司空以右神策鹽州定遠三鎮兵馬隸焉所以革近制在邊將也

四年鎮州王承宗拒命詔左神策護軍中尉吐突承璀討之以左武衛將軍王萬敵爲左神策軍行營先鋒兵馬使仍復本姓趙氏萬敵本成德軍裨將也以

善戰爲王武俊所重令姓王氏士真時遣歸朝習知鎮冀事故授以前鋒

九年八月辛酉以河陽節度使烏重胤爲簡較工部尚書兼汝州刺史充河陽二城懷汝等州節度觀察處置營田等使討淮西故移重胤歷境焉

十一月甲午以御史中丞胡証充振武麟勝節度使時振武累用節將邊事曠廢朝廷思用儒者以撫安之乃有是命

十一年七月以荆南節度使袁滋爲彰義軍節度使以徐州刺史楊旻爲唐州刺史兼御史中丞充行營

都知兵馬使以滋儒者故須復以旻將其兵
渾鎬歷延唐鄧州刺史及討王承宗屬義武軍節度
任廸簡疾不能軍帝以鎬藉父名足以鎮之乃令代
廸簡爲帥鎬始至整練其衆甚有威名
十三年五月以左僕射山南東道節度使李愬爲鳳
翔節度使路繇闕下會李師道再叛詔徵兵討之遂
改愬爲徐泗節度及青齊平將有事燕趙又命愬以
特進簡較尚書右僕射同中書門下平章事爲昭義
軍節度使抵四月遷魏博等州節度使

穆宗長慶元年八月制曰父子之讐不同天雖下至
匹士而猶寢苦枕戈以期必報是以子胥不徇伍奢
之死卒能發荆王之墓鞭不義之屍取貴春秋垂名
萬古而況於身備將壇父死人手家讐國恥併在一
門當懷嘗膽之心豈俟絕漿之禮金革無避其在茲
乎前涇原節度觀察處置使簡較左散騎嘗侍兼涇
州刺史御史大夫田布咨爾先臣惟國元老首自河
朔來朝帝庭而又東取青齊北討深趙提挈義旅勤
勞王家冒白刃而不疑推赤心以自信屬冀方求帥
予所重難輟自大名付茲巨鎮而中台暗折上將妖
侵蝨賊潛寘於心腹豺狼勃興於肘腋人神憤痛朝

野驚嗟深軫予懷誓擒元惡以布詩書竝習忠孝兩
全嘗用魏師克征淮孽素行恩信共著勳庸豈無奮
激之徒爲報寇讐之黨且魏之諸將繇爾父而崇高
魏之三軍蒙而父之仁愛昔旣同其美刺今豈念其
深冤爾其淬礪勇美敬恭義士一飯之飽亦同於卒
伍一毫之費必用於戈矛非筭畫勿萌於心非軍旅
勿言於口居則席藁寒則抱冰以喪禮處之若哀心
感者必有爲橫刎頸感智捐軀下報營魂旁清醜類
於虜至誠何託稔惡難逃矧彼兇殘去將安往墨縑
在體玄纛在前題劔執金無忘哀敬可起復寧遠將

軍守右金吾衛大將軍員外置同正員簡較工部尚
書兼魏州大都督府長史充魏博等州節度觀察處
置等使

十月甲子以河東節度裴度兼充鎮西四面行營都
招討使以左領軍衛大將軍杜叔良爲開府儀同三
司簡較工部尚書兼御史大夫充深州諸道行營節
度戊辰以深冀等州節度觀察使牛元翼爲簡較工
部尚書兼鎮州大都督長史御史大夫充成德軍節
度鎮深冀趙等州觀察等使時王廷湊賊殺田弘正
竊據土地朝廷以元翼鎮冀舊將素以善戰聞班位

勇畧在廷湊之右故前命爲深冀節度及是又以成德令付之希鎮州兵士望風稟令不戰而歸也丙戌以深州行營節度使杜叔良爲滄州刺史充橫海軍節度滄德棣等州觀察處置等使依前簡較工部尚書兼御史大夫以代烏重胤以重胤簡較司徒兼興元尹兼御史大夫充山南西道節度使重胤老于征行以賊憑凌未可輕進觀望累月帝意急於誅討以叔良赴深州行營面辭日指期朝夕殄寇故有此月十二月戊寅以鳳翔節度使李光顏爲許州刺史充忠武軍陳許蔡等州觀察處置等使以代李遜仍兼

深州節度使統諸軍以李遜爲鳳翔隴州節度觀察處置等使朝廷以光顏盡忠嘗爲陳許節度使頗得士心將討鎮冀遂有此拜以遜文吏故換鎮以便其事陳州刺史兼御史中丞王沛室委光顏量才任用沛比爲光顏麾下都將部署有方畧淮蔡平授陳州刺史以光顏方務征討故委以軍任
李聽爲羽林軍有名馬穆宗在東宮令近侍諷聽獻之聽以職摠軍不敢從令帝不悅及卽位之始幽冀不庭太原與二鎮接境方議易帥宰臣進擬帝皆不允謂宰臣曰李聽爲羽林將軍不與朕馬是必可任

遂擢授簡較兵部尚書太原節度觀察使兼太原尹充北都留守

文宗太和元年四月庚申以太僕卿高瑀為簡較左散騎嘗侍充忠武軍節度觀察處置等使初瑀既以疾亟聞議者多謂忠武之師必自謀帥或曰禁軍諸將得之羣口囂囂以節制之選不繇執政既而裴度韋處厚等密議以瑀嘗刺陳蔡二州政皆可取且熟忠武軍情莫如瑀者會許人表至果以瑀為請及啓事於延英即瑀名聞而拜焉

節度之權自艱難以來或以邪門而致近歲則財鏹公行畧無避忌貪邪之輩汲汲焉日有窺伺枉道輸貨動逾億千皆以倍稱之約假于富族及

至鎮則罄公帑以酬之然後脂血疲人補其所缺天下節度觀察之使繇是而率十六七故高瑀之拜縉紳忝賀者彌月焉宰臣戲相謂曰自今以後作債節度使當少矣

烏重胤太和初以簡較司徒為天平軍節度鄆曹濮等州觀察處置等使時李同捷私據境土謀襲父位議者以為別命節制慮孽童拒違又朝廷方務安人遂命同捷移鎮兗海以重胤羣帥中齒輩舊老加太子太師平章事俾兼統滄景仍舊割齊州附之蓋望不勞師而底定也數月而卒贈太尉

三年冬南蠻入寇西川節度使杜元穎以失政貶黜特詔東川節度郭釗兼領西川以紓其亂兵至成都

府賊蠻奔遁遂以劍簡較司空充劔南西川節度使
四年二月興元三軍作亂節度使李絳被害假內追
朝詔曰漢水上游梁山東險控巴岷之道路作威鎬
之藩屏寔命長帥必惟全才簡求臣僚僉屬邦彥是
用築齋壇以賜鈇鉞登廉車以察風俗一方之事悉
以咨之中大夫守尚書右丞上護軍祁縣開國子食
邑五百戶賜紫金魚袋溫造風度端雅質量閎厚立
朝正色直道當官自登周行藹有休稱前在憲府爰
持國綱人所未能心已獨至聽言盡主於忠信指事
必根於理化豈徒嘗意自謂知人洎南宮提領右轄

卽普承式體要弘通屬聞漢中撫事多故非寬仁不
可以理軍旅非廉實不可以緝編昨擇任之時誠異
他日繇是命爾尹正褒國節制梁川首列侍從之臣
秩遷御史之率至若革故獎以存遠畧因其事以定
衆心姑務載安勿使告病弛張威惠在爾能之勗哉
惟勤無忝我推轂之命可簡較散騎嘗侍兼興元尹
御史大夫充山南西道節度管內觀察處置等使宣
制畢宰相及造并興元宣慰使崔琯同赴對於延英
造素有威望及是拜中外莫不瞻矚帝前席與語凡
數十百言且趣令赴鎮

七年正月甲寅以新授鎮南節度使崔珙爲武寧軍節度徐泗觀察等使以右金吾將軍王茂元爲嶺南節度觀察經畧等使珙嘗爲泗州刺史深練兵事頗得士心前除廣州中謝於延英陳奏明辨稱旨時高瑀鎮徐州王智興之後兵驕不能制帝嘗軫慮遂命珙代焉

九年黨項寇邊以左諫議大夫胡証有安邊才畧乃授單于都護御史大夫振武軍節度使前任將帥非統馭之才邊事曠廢朝廷故特用証以鎮之

僖宗乾符六年十月制以鎮海軍節度浙江西道觀察處置等使高駢簡較司徒同平章事揚州大都督府長史充淮南節度副大使知節度事江淮鹽鐵轉運江西行營招討等使進封燕國公初駢在浙西遣大將張麟梁纘等大破黃巢於浙東賊進寇福建踰嶺表故移鎮揚州時賊北踰大庾嶺朝廷授駢諸道行營兵馬都統

中和元年黃巢寇京城七月乙卯車駕幸西蜀丁巳以侍中王鐸簡較太尉中書令兼滑州刺史義成軍節度鄭滑觀察處置兼統京城四面行營兵馬都統以太子太師崔安潛爲副觀軍容使西門思恭爲天

下行營兵馬都監卬中書侍郎平章事諸道鹽鐵轉運等使韋昭度爲供軍使時淮南節度使高駢爲諸道行營都統卬車駕出幸中使相繼促駢起軍駢託以周寶劉漢宏不利於已遷延半載竟不出軍乃以鐸爲都統以河中節度使王重榮爲京城北面都統義武軍節度使王處存爲京城東面都統卬延節度使李存章爲京城西北面都統朔方軍節度使拓拔思恭爲京城南面都統以忠武監軍使楊復光爲天
下行營兵馬都監代西門思恭許王鐸以便室從事
遣御官御史分行天下徵兵赴闕

後唐莊宗初爲晉王天祐二十年二月契丹寇漁陽上擇帥北征郭崇韜以汴寇未平李繼韜背命北邊虛弱非大將無以鎮臨請命李存審爲燕帥捍之時存審方臥病私第羸瘠殆甚帝遣使諭之因奏臣効忠稟命靡敢爲辭但病恙纏綿未堪祇役旣而以存審簡較太傅兼侍中充幽州盧龍節度管内觀察處置押奚契丹兩蕃經畧盧龍軍等使勉而赴任
同光二年三月幽州李存審疾篤求入覲議擇帥代之方內宴帝曰吾披榛故人零落殆盡所餘者存審耳今復寒疾北門之事知付何人因目右武衛上將

軍李存賢曰無易於卿即日授特進簡較太保充幽州盧龍節度行軍司馬旬日以李存審爲汴州節度以存賢代存審爲幽州盧龍節度使

三年秋客省使李嚴使西州迴言王衍可圖之狀莊宗與郭崇韜議討伐之謀方擇大將時明宗爲諸道兵馬總管當行崇韜自以官相傾欲立大功以制之乃奏曰契丹犯邊北面須藉大臣全倚總管鎮禦臣伏念興聖宮使繼岌德望日隆大功未著宐依故事以親王爲元帥付以討伐之權俾成其威望莊宗方授繼岌卽曰小兒幼稚安能獨行卿當擇其副崇韜

未答帝曰無踰於卿者乃以繼岌爲都統崇韜爲招討使

明宗天成三年荆南高季興叛九月己亥詔武寧軍節度使房知溫兼荆南行營招討使知荆南行府事以尙食使馬從斌守澤州刺史中外分命百道赴軍襄陽

十月定州王都反以齊州防禦使孫璋充北面行營馬步都虞候丙午制橫海軍節度觀察等使簡較司徒李從敏兼北面行營副招討使

是月丁酉朔方軍大將已下差人齎絹表到京請朝

廷命帥以安藩閫戍戍以前襄州守禦并本州城兵
 馬都監磁州刺史康福為簡較司空靈州大都督府
 長史行梁州刺史充朔方河西等軍節度靈威雄武
 涼州等觀察處置管內營田押蕃落度支溫也推稅
 等使

西方鄴弱冠歸梁得侍左右忿無權位歸莊宗於河
 上以為奉義指揮使每從征伐咸以身先天成初荆
 渚違命上據三峽明宗素知其才擢授夔州刺史充
 東南面行營招討副使鄴將偏師收復二州畫圖上
 進

長興三年十月戊午帝御廣壽殿謂范延光秦王從
 瑩等曰契丹欲謀犯塞邊上宜得嚴重帥臣卿等商
 量誰為可者以聞甲戌秦王從瑩奏伏見北面奏報
 契丹族帳近塞吐渾突厥已侵邊地北面戍卒雖多
 未有統率早宜命大將帝曰卿等商量定未具奏曰
 將較之中康義誠可帝曰召義誠來遂令宣徽使朱
 弘昭往知襄州事代義誠還京師

臣欽若等曰時晉高祖首預其選事

其帝王創業門

末帝清泰二年以安元信為大同軍節度使元信初
 從莊宗定魏博元城之戰克捷居多移為博州刺史

與梁軍對壘德勝渡元信爲右廂排陣使王處直引契丹背盟北邊俶擾以元信久在邊故有是命晉少帝開運元年八月制曰宣王講武逐獫狁於太原漢帝出師走匈奴於瀚海是知蠻夷猾夏不能絕之於古今戎狄無厭不能拘之以信義先皇帝昔當草昧方在龍潛未登鄙邑之壇始有晉陽之難契丹王徑驅蕃部直抵并郊遂解重圍助成大統我之興也彼有力焉於是邀之以鬼神申之以盟誓載諸簡冊傳厥子孫爾後嘗念前因每思厚報滅宮闈之服玩罄府藏之珠珍供億無時道途相望而契丹貪殘

滋甚驕縱異嘗通使命於江淮徵貢輸於郡國苞藏既久姦譎漸萌既而輿議誼譁羣情憤激軍民扼腕中外同辭請興貔虎之師以遏豺狼之患先皇帝重其信誓篤以初終降萬乘之尊禮不義之虜耗中原之力奉無已之求迫于纘受丕圖虔承顧命每欲息民繼好敢忘屈已從人所以厚禮卑辭以隆其意推心置腹以示其誠其如鴆毒潛深獸心難革乘我數歲伐予大喪平視中原竊窺神器朕實不德民罹其殃愧悼增深寤寐興嘆向者躬提黃鉞親指靈旗駐於甘泉自春徂夏賴祖宗垂慶天地儲休猛將如雲

謀臣若雨士百其勇人一其心寸鏃不遺狂戎自潰
氛霾少息師旅凱旋今則漸入秋深慮爲邊患朕以
志平寇難不敢荒寧將期親率全師恭行天討庶幾
一舉永靜三邊周辭櫛沐之勞用拯生靈之患得不
精求將帥慎東偏裨興成破竹之功以殄折膠之寇
爰於剛日乃降命書順國軍節度鎮深趙等州觀察
處置幽州道行營副招討等使特進簡較太師兼中
書令行真定尹駙馬都尉杜重威地居戚里神授戎
韜久服金革之勞累濟艱難之運虎率晝閉一麾而
整賊自消河朔未寧再駕而氛妖繼息戡定之業益

於鼎鐘太平軍節度鄆齊棣等州觀察處置兼管內
河堤等使光祿大夫簡較太尉平章事張從思清明
可鑑忠正無邪夙懷刺虎之謀早列濯龍之籍當襄
陽之役克成監護之勲及北虜之來實賴藩籬之固
器業之用可謂縱橫西京留守起復簡較太尉兼侍
中行河南尹景延廣文武全才雲龍際會指經綸於
掌內藏甲馬於胷中久權七萃之師繼委十連之帥
軍民畏伏畿甸肅清左右之勞書於盟府武寧軍節
度徐宿等州觀察處置等使開府儀同三司簡較太
師兼侍中趙在禮河嶽鍾靈松筠植性授玉鈴之祕

畧得金版之沈機輔翼數朝周旋重鎮述職而必先
九牧事君而唯盡一心尊獎之功光乎史冊建雄軍
節度晉慈隰等州觀察處置等使特進簡較太師平
章事安叔于衆推武庫素曉陣圖疾惡如讎見義思
勇觴酒豆肉無虧撫士之心尺籍伍符盡得摠戎之
訣軍旅之任實契僉諧前泰寧軍節度充沂密等州
觀察處置等使特進檢校太師平章事安審信久處
腹心早攀鱗翼倜儻乃萬夫之長驍雄真六郡之豪
鷲領虎頭咸仰將軍之相牙璋犀節累持方伯之權
英特之名播於中外河中護國將軍節度管內觀察

處置等使開府儀同三司簡較太師平章事安審琦
嚴明無翳寬簡自居善知奇正之謀備熟孤虛之法
首赴風雲之會昔同帶礪之盟累殿藩垣嘗堅夾輔
連帥之重倚若長城河陽三城節度孟懷等州觀察
處置管內河堤等使青州行營副都部署特進簡較
太師苻彥卿惟爾先臣實爲名將世襲弓裘之慶門
傳忠孝之規西漢三雄徒稱傑出東京七較乃爲時
生竭盡之心貫于金石義成軍節度滑漢等州觀察
處置管內河堤等使北面行營馬步都虞候開府儀
同三司簡較太師皇甫遇劔敵萬人力摧九虎赤羽

若日蒲大夫之英風快馬如龍曹景宗之意氣繼承
重寄必竭純誠義烈之稱播於寰海北面行營馬部
都排陣使兼馬軍都指揮使特進簡較太保右神武
統軍張彥澤猛若關張氣吞荆聶荐膺委寄每著勤
勞鳴鏑離絃旣得吟猿之妙青萍出匣久彰斷兕之
名營陣之間皆推果毅橫海軍節度滄景德等州觀
察處置管內河堤等使幽州道行營右廂排陣使特
進簡較太師王廷裔鬼谷傳書神龜授印委鎮臨於
滄海賴控扼於邊陲繕甲治兵暗蓄摧兕之計深溝
高壘不移持重之心捍禦之謀斷於宵臆保義軍節

度陝虢等州觀察處置等使特進簡較太尉宋彥筠
威惠兼著膽氣無儔累佐戎權善貞師律千軍萬馬
憚陳慶之雄名三令五申得孫武之戰術將帥之選
皆謂當仁前懷德軍節度管內觀察處置等使光祿
大夫簡較太傅田武早從戎伍備歷艱難安邊展頗
牧之才制勝合韓吳之法向者仗其舊德委以邊藩
頗資外禦之功實有分憂之績忠貞之節雅叶東求
北面行營步軍都排陣使兼步軍都指揮使特進簡
較太保左神武統軍潘環幕府書勳師干著効攻城
野戰獨麾鄭國之旗陷陣先登幾獲魚門之胄泊外

環衛爾見公忠兵革之時所宜登用而皆位崇侯伯
任重茅土俱爲社稷之臣悉是棟梁之具或推忠徇
義或報國忘家嘗堅翼戴之心夙蘊澄清之志朕所
以告於宗廟質以蒼龜授之以征輦付之以蕭鐵但
以狂戎侵掠生聚虔劉旣貽中國之羞抑亦人臣之
恥爾等上則受先皇顧託輔予冲人次則副朝廷倚
毘委之重任所宜同德比義戮力齊心各竭乃誠共
安國步功業可以不朽富貴可以無窮况今芻粟俱
充士卒咸憤旌旗萬隊甲馬千羣呼吸則山嶽蕩搖
號令則乾坤震動以此制敵何敵不摧以此攻城何

城不克竚期獻俘清廟懸首素旗同集大功永清四
海於戲周王任吉甫南仲乃懼戎夷漢帝任去病衛
青遂空沙漠今吾命帥皆謂得人勉立異勳速平多
難無令數子獨擅前功凡我股肱當體朕意杜重威
充都招討使張從思充兵馬都監景延廣充馬步軍
都排陣使趙在禮充馬步軍都虞候安叔于充馬步
軍左排陣使安審信充馬步軍右排陣使安審琦充
馬步軍都指揮使符彥卿充馬軍左都指揮使皇甫
遇充馬軍右都指揮使張彥澤充馬軍排陣使王廷
裔充步軍左都指揮使宋彥筠充步軍右都指揮使

田武充步軍左廂排陣使潘環充步軍右廂排陣使

臣欽若曰時漢高祖為太原留守授北面行營都統且帝王創業門

天福九年契丹入侵命宋州節度使高行周為北面行營都部署河陽節度使符彥卿為騎軍右排陣使宿州刺史梁進明副之神武統軍皇甫遇為騎軍右排陣使懷州刺史薛懷讓副之陝府節度使王周為步軍左排陣使沁州刺史劉詞副之羽林統軍潘環為步軍右排陣使麟州刺史尹實副之護聖右廂主王景王萬敢為騎軍左右將慈州刺史周景殷武衛將軍張鵬監護奉國左右廂王李殷程福贊為步軍

左右將閣門使蕭處仁高勳監護前絳州刺史劉在明為先鋒都指揮使衛州刺史石公霸副之坊州刺史陳思讓監護又以前單州刺史劉喜為都壕寨使前階州刺史姚武為都橋道使

周高祖廣順二年正月以侍衛步軍都指揮使曹英為兗州行營都部署齊州防禦使史延翰為副部署以皇城使向訓為兵馬都監陳州防禦使樂元福為馬步軍都虞候率兵討慕容彥超

世宗顯德元年三月以天雄軍節度使衛王符彥卿為河東行營都部署知太原行府事澶州節度使郭

崇爲行營副都部署宣徽南院使向訓爲行營兵馬都監侍衛都虞候李重進爲行營都虞候華州節度使史彥超爲先鋒都指揮使領步騎二萬進討河東詔河中節度使王彥超陝府節度使韓通率兵自陰地關討賊以河陽節度使劉詞爲隨駕都部署以鄜州節度使白重贊爲隨駕副部署二年六月以曹州節度使韓通充西南面行營都虞候

七月以鳳翔節度使王景兼西南面行營都招討使以宣徽南院使鎮安軍節度使向訓兼西南面行營都監以討秦鳳

十一月以宰臣李穀爲淮南道行營都部署知廬壽州行府事以許州節度使王彥超爲行營副部署命侍衛馬軍都指揮使韓令坤等一十二將各帶行征之號以從焉

三年正月帝親征淮南甲寅次正陽命侍衛馬步軍都指揮使李重進爲淮南道行營都招討使仍以襲衣金帶玉鞍名馬等賜之

冊府元龜

冊府元龜

帝王部

卷之二百二十一

冊府元龜

淮南李嗣京參閱

西極文翔鳳訂正

豫章黃國琦較釋

帝王部 一百二十一

征討

夫兵之設也所以威不軌而昭文德故周官有九伐之制大易載師貞之象其所繇來舊矣蓋天下有道政繇上出奉辭伐罪宣威靖亂所以詰誅暴慢奮揚武怒綏厥兆民納於軌物者也自帝軒之世戎功震

疊二帝三代而下曷嘗不赫怒濯征以靖亂畧侮亡
固存以修人紀至於保姦蒐慝變常悖理負固安忍
興戎犯順以覬覦非望者未有不勦滅覆亡為世大
戮焉

黃帝既代神農氏為天子天下有不順者黃帝從而
征之平者去之事具帝王親征門

帝嘗時其工氏作亂帝使火正祝融討之不盡乃以
庚寅月誅祝融更命其弟吳回代兄居火正為祝融

滅其丁氏嶠不周山而死
帝舜時苗民逆命帝曰咨禹惟時有苗弗率爾徂征

三苗之民數干王誅率循徂往禹乃會群后誓于師也不循帝道言亂逆命禹討之

曰濟濟有衆咸聽朕命會諸侯共伐有苗軍旅曰誓濟濟衆盛之貌 蠢茲

有苗昏迷不恭蠢動昏暗也言其所以宜討之 侮慢自賢反道敗德

狎侮先王輕慢典教反正道敗德義 君子在野小人在位廢仁賢任奸佞 民棄

不保天降之咎言民叛天災之 肆予以爾衆士奉辭罰罪肆故

也辭謂不恭罪謂侮慢以下事 爾尙一乃心力其克有勳尚庶幾一汝心力以

從我 三旬苗民逆命旬十日也以師臨之一月不服

辭而便憚之以威脅之以兵所以生辭 益贊于禹曰惟德動天無遠弗

召贊佐召至也益以此義 滿招損謙受益時乃天道

自滿者人損之自謙者人益之是天之常道 帝初耕于歷山往于田日號

泣于旻天于父母

仁覆愍下謂之旻天言舜初耕于歷山時為父母所疾日號泣于旻

天及父母克已自責不責于人

負罪引慝祗載見瞽瞍夔夔齊慄瞽

瞍亦允若

慝惡載事也夔夔悚懼之貌言舜負罪引慝以事見于父悚懼齊莊父亦信順之言

能以至誠感頑父

禹拜昌言曰兪班師

振旅 昌當也以益言為當拜受而然

之遂還師兵入

帝乃誕敷文德

遠人不服大布舞干

羽于兩階

干楯羽翳也皆舞者所執修闡文教舞文舞于賓主階間抑武事

七旬有

苗格

討而不服不討自來御之者有道也三苗之國左洞庭右彭蠡在荒服之例去京二千五百里

夏仲康即位羲和酒淫廢時亂日

羲氏和氏世掌天地四時之官自唐

虞至三代世職不絕承太康之後沉

徃征之作亂征

亂國之君受王命徃征之

殷高宗時楚人叛出兵伐之

周成王少周公攝行政當國管叔蔡叔羣弟疑周公

與武庚作亂畔周周公奉成王命伐誅武庚管叔放

蔡叔三年而畢

幽王之時荆舒不至乃命將率東征役久病於外

荆謂

楚也舒舒鳩舒舒庸之屬役謂士卒也

故作漸漸之石詩

宣王命大師皇父整六師以程伯休父為大司馬克

定淮浦之國進而伐徐徐方來庭故召武公作常武

之詩以美之

常武以其有常德而立武功也

漢高祖五年既滅項羽羽所立臨江王共敖前死子

尉嗣立為王不降遣盧綰劉賈擊虜尉

十二年十二月陳豨降將言豨反時燕王盧綰使人

之豨所陰謀也之性帝使辟陽侯審食其迎綰稱疾

食其言綰有反端三月使樊噲周勃將兵擊綰詔曰

燕王綰與吾有故愛之如子聞與陳豨有謀吾以為

亡有故使人迎綰稱疾不來謀反明矣燕吏民非

有罪也賜其吏六百石以上爵各一級與綰居去來

歸者赦之

景帝二年正月吳王濞膠西王卬楚王戊趙王遂濟

南王辟光菑川王賢膠東王雄渠皆舉兵反遣太尉

周亞夫大將軍竇嬰將兵擊之斬御史大夫晁錯以

謝七國二月壬子諸將破七國斬首十餘萬級追斬

吳王濞於丹徒膠西王卬楚王戊趙王遂濟南王辟

光菑川王賢膠東王雄渠皆自殺

後漢光武建武元年六月即位于鄴七月遣耿弇率

疆弩將軍陳俊軍伍杜津在鞏縣北一名土杜津有

鮪水備滎陽以東使吳漢率朱祐及廷尉岑彭執金

吾賈復揚化將軍堅鐔等十一將軍圍朱鮪於雒陽

九月辛卯鮪舉城降

二年正月遣大司馬吳漢率九將軍擊檀鄉賊於鄴

東大破降之是月真定王楊臨邑侯讓謀反

楊景帝七代孫

遣前將軍耿純誅之二月遣驃騎大將軍景丹率征

虜將軍祭遵等二將軍擊弘農賊破之因遣祭遵圍

蠻中賊張滿

三月遣執金吾賈復率二將軍擊更始郾王尹遵破

降之又遣虎牙大將軍蓋延率四將軍伐劉永

四月大司馬吳漢拔胸獲董憲龐萌山東悉平

五月遣虎牙大將軍蓋延等七將軍從隴道伐公孫

述初隗囂為西州大將軍會公孫述遣兵寇南郡乃

詔囂當從天水伐蜀因此欲以潰其心腸囂復上言

曰天水險阻棧閣絕敗又多設支關帝知其終不為

用臣欲討之遂西幸長安至是遣耿种等伐蜀先使

來歙奉璽書喻旨囂疑懼即勒兵使王元據隴坻伐

木塞道謀欲殺歙歙得亡歸諸將與囂戰大敗各引

退囂因使王元行巡侵三輔征西大將軍馮異征虜

將軍祭遵等擊破之先是樂浪郡人王閎為郡三老

更始敗土人王調殺郡守劉憲自稱大將軍樂浪太

守是歲帝遣太守王遵將兵擊之至遼東閎與郡曹

吏楊邑等共殺調迎遵皆封為列侯

七年八月隗囂寇安定征西大將軍馮異征虜將軍

祭遵擊却之

九年六月遣大司馬吳漢率四將軍擊虜芳將賈覽

於高柳八月遣中郎將來歙監征西大將軍馮異等

五將軍討隗純於天水

十一年十二月大司馬吳漢率舟師伐公孫述

十二年十一月吳漢滅宮與公孫述戰於成都大破

之述被創夜死漢屠成都夷述宗族及延岑等

十七年七月妖巫李廣等群起據皖城縣名屬廬江郡故城在今

舒州有皖水遣虎賁中郎將馬援驃騎將軍段志討之

九月破皖斬李廣等

十八年二月蜀郡守將史歆叛遣大司馬吳漢率二

將軍討之圍成都百餘日城破誅歆等

四月遣伏波將軍馬援率樓船將軍段志等擊交趾

賊徵側等徵側及妹徵二交趾女子甚雄勇太守蘇定以法繩之故反起十六年二月至是遣

將討之發長沙桂陽零陵蒼梧兵萬餘人討之

十九年正月妖巫單臣傳鍾等反據原武遣大申大

夫臧宮圍之四月拔原武斬臣鍾等是月馬援破交

趾斬徵側徵二等餘皆降散進擊九真賊都陽等破

降之徙其渠帥三百餘口於零陵於是嶺表悉平

安帝永初三年七月海賊張伯路等寇畧綠海九郡

遣侍御史龐雄督州郡兵討之

四年正月海賊張伯路復與勃海平原劇賊劉文河

周文光等攻厭次殺縣令遣御史中丞王宗督青州

刺史法雄討破之

五年九月漢陽人杜琦王信叛琦自稱安漢將軍遣侍御史

唐喜討破斬之傳信首詣雒陽

順帝建康元年八月楊徐盜賊范容周生等寇掠城

邑遣御史中丞馮赦督州郡兵討之

桓帝永壽二年七月太山賊公孫舉等寇青兗徐三

州遣中郎將段紀明討破斬之

延熹三年九月太山瑯邪賊勞丙等復叛寇掠百姓

遣御史中丞趙某史闕其名持節督州郡兵討之

十一月太山賊叔孫無忌攻殺都尉侯章遣中郎將

宗賢討破之

靈帝中平元年二月鉅鹿人張角自稱黃天其部帥

三十六萬皆着黃巾同日反叛安平其陵人各執其

王以應之安平王續以河南尹何進為大將軍將兵

屯都亭置八關都尉官都亭在雒陽八關謂函谷廣

津孟遣北中郎將盧植討張角左中郎將皇甫嵩右

中郎將朱雋討潁州黃巾

四年二月滎陽賊殺中牟令令落皓王簿潘業遣河
南尹何苗討破之

五年九月遣中郎將孟益率騎都尉公孫瓚討漁陽

賊張純等時烏桓反叛與與純戰於石門大破之

中故瓚追擊之石門山
名也在今營州西南

獻帝建安二年詔曰故左將軍袁術不顧朝恩坐創

凶逆造合虛偽欲因兵亂詭詐百姓始聞其言以為

不然定得使持節為平東將軍領徐州牧溫侯布

布也上術所造惑眾妖妄知術鴟梟之性遂其無道修

治王宮署置公卿郊天祀地殘民害物為禍深酷布

前後上策孫策乃心本朝欲還討術為國効節乞加

顯異夫懸賞候功惟勤是與故便寵授承襲前邑重

以大郡榮耀兼至是策輸力竭命之秋也其亟與布

及行吳郡太守安東將軍陳瑀戮力一心同時赴討

十年八月馬超在漢陽復因羌胡為害氏王千萬叛

應超屯興國遣護軍將軍夏侯淵討之

魏文帝黃初六年利成郡兵蔡芳等以郡叛殺太守

徐質遣屯騎校尉任福步兵校尉段昭與青州刺史

討平之其見脅略及亡命者皆赦其罪

明帝以黃初七年五月即位八月吳將諸葛瑾張霸

等寇襄陽遣武軍大將軍司馬懿討破之斬霸征東大將軍曹休又破其別將於尋陽

大和元年正月西平麴英反殺臨羗令西都長遣將軍郝昭鹿磬討殺之

十二月新城太守孟達反詔驃騎將軍司馬懿討之攻破新城斬達傳其首

二年正月蜀大將諸葛亮寇邊天水南安安定三郡吏民叛應亮遣大將軍曹真都督關右並進兵右將軍張郃擊亮於街亭大破之亮敗走三郡平

四年七月詔大司馬曹真大將軍司馬懿伐蜀

景初二年正月詔太尉司馬懿帥衆討遼東八月圍公孫淵於襄平大破之傳淵首于京師海東諸郡平齊王正始五年二月詔大將軍曹爽率衆征蜀四月爽引軍還

嘉平四年十一月詔征南大將軍王昶征東將軍胡遵鎮南將軍毋丘儉等征吳十二月不利而還

五年五月吳太傅諸葛恪圍合肥新城詔太尉司馬孚拒之七月恪退還

高貴鄉公正元二年正月鎮東將軍毋丘儉揚州刺史文欽反大將軍司馬師征之

八月蜀大將軍姜維寇狄道以長水較尉鄧艾行安西將軍與征西陳泰并力拒維復遣太尉司馬孚爲後繼九月維退還

陳留王景元四年五月詔曰蜀蕞爾小國土狹民寡而姜維虐用其衆曾無廢志往歲破敗之後猶復耕種沓中刻剥衆羗勞役無已民不康命夫兼弱攻昧武之善經致人而不致於人兵家之上略蜀所恃賴惟維而已因其遠離巢窟用力爲易今使征西將軍鄧艾督帥諸軍趣茸松沓中以羅取維雍州刺史諸葛緒督軍越武都高樓首尾敵討若禽維便當東西

並進掃滅巴蜀也又命征西將軍鍾會繇駱谷伐蜀

時鄧艾諸葛緒各統諸軍三萬餘人會統十餘萬衆

分從斜谷駱谷入

十一月
劉禪降

晉武帝咸寧五年十一月大舉伐吳遣鎮軍將軍琅邪王佃出涂中安都將軍王渾出江西建威將軍王戎出武昌平西將軍胡奮出夏口鎮南大將軍杜預出江陵龍驤將軍王濬廣武將軍唐彬率巴蜀之卒浮江而下東西凡二十餘萬以太尉賈充爲大都督行冠軍將軍楊濟爲副總統衆軍

太康元年正月王渾寇吳壽陽賴卿諸城獲吳武威

將軍周興二月王濬唐彬等尅丹陽城又尅西陵殺
西陵都督鎮軍將軍留憲征南將軍成瑊西陵監鄭
廣王濬又尅夷道樂鄉城殺夷道監陸晏水軍都督
陸景柱預尅江陵斬吳江陵督伍延平南將軍胡奮
尅江安於是諸軍並進樂鄉荆門諸戎相次來降以
濬爲都督益梁二州諸軍事復下詔曰濬彬東下掃
除巴丘與胡奮王戎共平夏口武昌順流長驚直造
秣陵與奮戎審量其宜杜預當鎮靜零桂懷輯衡陽
大兵旣過荊州南境固當傳檄而定預當分萬人給
濬七千給彬夏口旣平奮宜以七千人給濬武昌旣

平戎當以六千人增彬太尉充移屯項總督諸方濬
破夏口武昌遂泛舟東下所至皆平王渾周俊與吳
丞相張悌戰於板橋大敗之斬悌及其將孫震沈瑩
傳首雒陽皓窮蹙詣降送璽綬於瑯琊王佃三月孫皓降
惠帝永康末趙廞反于蜀假梁州刺史羅尚節爲平
西將軍益州刺史西戎校尉時李特亦起於蜀攻蜀
殺趙廞又攻尚荊州刺史宗岱率建平太守孫阜救
之次於江州尚乃使兵曹從事任銳僞降因出密宣
告於外尅日俱擊遂大破之斬李特傳首雒陽
大安中張昌作亂寧朔將軍劉弘轉使持節南蠻較

尉荊州刺史率前將軍趙讓等討昌自方城至宛新野所向皆平以弘爲鎮南將軍都督荊州諸軍事弘遣南蠻長史陶侃爲大都護參軍蒯常爲義軍都護牙門將皮初爲都戰帥進據襄陽張昌并軍圍宛敗趙讓軍引退屯梁侃初等累戰破昌前後斬首數萬人及到官昌懼而逃于下雋山弘遣軍討昌斬之其衆悉降荆土平

永興二年十月詔曰得豫州刺史劉喬檄稱潁川太守劉興迫脅驃騎將軍虓距逆詔令造構凶逆擅劫郡縣合聚兵衆擅用荀晞爲兗州斷截王命鎮南大

將軍荊州刺史劉弘平南將軍彭城王釋等其各勒所統徑會許昌與喬并力今遣右將軍張方爲大都督統精卒十萬廷武將軍呂郎廣武將軍騫貍建威將軍刁黙等爲軍前鋒共會許昌除興兄弟又使前車騎將軍石超北中郎將王闡討興等

懷帝永嘉三年九月劉聰圍浚儀遣平北將軍曹武討之東海王越入保京城聰至西明門越禦之戰於宣揚門外大破之

五年三月戊午詔下東海王越罪狀告方鎮討之元帝建武元年石勒將石季龍圍譙城平西將軍祖

逃擊走之帝傳檄天下曰逆賊石勒肆虐河朔逋誅歷載遊魂縱逸復遣凶黨石季龍犬羊之衆越河南渡縱其鴆毒平西將軍祖逖帥衆討擊應時潰散今遣車騎將軍瑯邪王裒等九軍銳卒三萬水陸四道徑造賊塲受逃節度有能梟季龍首者賞絹三千疋金五十斤封縣侯食邑二千戶又賊黨能梟送季龍首者封賞亦同之

太興二年四月太山太守徐龕以郡叛自號兗州刺史寇濟岱七月寇東莞遣太子左衛率羊鑿行征虜將軍統徐州刺史蔡豹討之

三年五月龕降

穆帝永和十一年四月姚襄帥衆寇外黃冠軍將軍龍季大破之

十二年三月姚襄入於許昌以太尉桓温爲征討大都督以討之八月戰於伊水大敗之襄走平陽徙其餘衆三千餘家於江漢之間十月慕容恪攻段龕於廣固使北中郎將苟羨帥師次于琅琊以救之

廢帝海西公太和四年四月大司馬桓温帥衆伐慕容暉大破之

孝武帝太元八年八月符堅帥衆渡淮遣征討都督謝石冠軍將軍謝玄輔國將軍謝琰西中郎將桓伊

征討一
卷之二十一
等距之

十月諸將及符堅戰於淝水大破之俘斬數萬計
九年正月車騎將軍桓冲部將郭寶伐符堅新城魏
興上庸三郡降之

安帝隆安三年十一月妖賊孫恩陷會稽內史王凝
之死之吳國內史桓謙臨海太守新蔡王崇義與太
守魏隱竝委官遁吳興太守謝邈永嘉太守司馬逸
皆遇害遣衛將軍謝琰輔國將軍劉牢之逆擊走之
元興元年正月以後將軍元顯爲驃騎大將軍征討
大都督鎮北將軍劉牢之爲元顯先鋒前將軍譙王

尚之爲後部以討桓玄

二月尚之戰死三月牢
之叛降于玄元顯遇害

義熙八年十二月以西陵太守朱齡石爲建威將軍
益州刺史帥師伐蜀

後魏道武皇始二年二月平原徐超聚衆反於叛城
詔將軍奚辱捕斬之

八月遣撫軍大將軍略陽公元遵襲中山芟其禾菜
入鄆而還

天興二年三月中山太守仇儒亡匿趙郡推群盜趙
淮爲王號使持節征西大將軍冀青二州牧鉅鹿公
仇儒爲淮長聚黨扇惑詔中領軍長孫肥討平之

四月前清河太守傅世聚黨千餘家自號撫軍將軍遣征虜將軍庾岳討破之

七月范陽人盧溥聚眾海濱稱使持節征北大將軍

幽州刺史攻掠郡縣殺幽州刺史封沓三年正月破之生致溥京

師

五年十一月遣左將軍莫題討上黨群盜秦頗丁零

翟都於壺關上黨太守捕頗斬之都走林慮

明元泰嘗七年九月詔假司空奚斤節都督前鋒諸

軍事為晉兵大將軍行楊州刺史交趾侯周畿為宋

兵將軍交州刺史安固子公孫表為吳兵將軍廣州

刺史前鋒伐宋

太武始光三年九月帝以赫連屈丐既死諸子相攻

遣司空奚斤率義兵將軍封禮雍州刺史延普襲蒲

宋兵將軍周畿率洛州刺史于栗磾襲陝城十月帝西伐事

其帝王親征門

文成大安四年十月宋將殷孝祖修兩城於清冰東

詔鎮西將軍天水公封勅文等擊之十一月詔征西

將軍皮豹子等三將三萬騎助擊殷孝祖五年正月大破之

獻文皇興元年二月宋東平太守申纂戍無鹽遏絕

王使詔征南大將軍慕容白曜督諸軍以討之三月寇之

孝文延興四年九月以宋廢帝內相攻戰詔將軍元蘭五將三萬騎及假東陽王丕為後繼伐蜀漢

太和元年十月宋徵蕭戍主楊文度遣弟鼠襲陷仇池詔征西將軍廣川公皮歡喜鎮西將軍梁醜奴平

西將軍楊靈琬等率眾四萬討之閏月軍到建安鼠棄城南走

四年八月以齊高帝立遣平南將軍郎大檀三將出胸城將軍白吐頭二將出海西將軍元泰二將軍出連口將軍封匹二將出角城鎮南將軍賀羅出下蔡又詔昌黎王馮熙為西道都督與征南將軍賀羅自

下蔡東出鍾離以伐齊 五年二月南征諸將大破齊將俘獲三萬餘口

十月蘭陵民桓富殺其縣令與昌慮桓和比連太山群盜張和顏等聚黨保五固推司馬朗之為主詔淮陽王尉元等討之

十一年五月詔南部尚書公孫文慶上谷張伏子率眾南討舞陰山

十二年四月齊將陳顯達攻陷醴陽左僕射長樂王穆亮率騎一萬討之顯達遁走

十八年十二月以齊明帝立遣行征南將軍薛貞度督四將出征襄陽大將軍劉昶出義陽徐州刺史元

衍出鍾離平南將軍劉藻出南鄭以伐齊

宣武正始三年正月秦州民王智等眾二千自號王

公尋推秦州主簿呂苟兒為王年號建明詔右衛將

軍元麗等討之

七月苟兒平

四月梁將江州刺史王茂先寇荊州屯於河南詔平

南將軍楊大眼討破之

六月詔尚書邢巒出討徐兗

臣欽若等曰時徐兗屈梁朝

七月詔發定冀瀛相并肆六州卒十萬以濟南軍

八月兗州平詔平南將軍安樂王詮督後發諸軍以

赴淮南

九月徐州平

永平元年八月冀州刺史京兆王愉據州反假尚書

李平鎮北將軍行冀州事以討之

九月冀州平

十月豫州城人白早生殺刺史司馬悅據城南叛梁

遣齊苟仁等四將以助之詔尚書邢巒行豫州事督

將軍崔暹率騎討之

十二月斬白早生擒齊苟仁等

二年正月梁遣王神念寇南兗詔輔國將軍長孫稚

假平南將軍為都督率統軍郗虬等五軍以討之是

月涇州沙門劉慧注聚眾反詔華州刺史奚康生討

之

四年正月汾州劉龍駒聚眾反詔諫議大夫薛和率

衆討之又命郢州龍驤府長史辛祥爲別將與和討滅之延昌冀州初大乘賊起遣長樂太守李虔爲別將與都督元遙討平之

三年十一月詔司馬高肇與大將軍平蜀大都督步騎十萬西伐益州刺史傅堅眼出巴北平南將軍羊祉出涪城安南將軍奚康生出緜竹撫軍將軍甄琛出劍閣

孝明以延昌四年正月卽位三月以梁高祖於浮山堰淮規爲楊徐之害詔平南將軍楊大眼討之

九月梁將趙祖悅襲據硤石詔定州刺史崔亮假鎮

南將軍率諸將討之又詔冀州刺史蕭寶寅爲鎮東

將軍決淮堰

明年九月淮堰破緣淮城戍十餘萬口漂入于海

熙平元年正月以吏部尙書李平爲鎮東大將軍兼

尙書右僕射爲行臺節度討硤石諸軍

二月寇硤石祖悅盡俘其衆

五月梁衡州刺史張齊寇益州復以傅堅眼爲刺史以討之

正光四年十二月梁遣將寇遷詔假征南將軍崔延伯討之

五年六月秦州城人莫折大提據城反自稱秦王殺

刺史李彥詔雍州刺史元志討之南秦城人孫掩張
長命韓祖香據城反殺刺史崔遊以應大提詔吏部
尚書元循義兼尚書僕射爲西道行臺率諸將西討
九月詔尚書左僕射齊王蕭寶寅爲西道行臺大都
督率征西將軍都督崔延伯又詔撫軍將軍北海王
顥爲都督竝率諸將西討是月梁遣將裴邃虞鴻襲
據壽春外城刺史長孫稚擊走之遂退屯黎漿詔河
間王琛總衆援之梁又遣將寇淮陽詔秘書監安樂
王鑒率衆討之

十月高平酋長胡琛反自號高平王遣其將宿勒明
達寇幽夏北華三州詔都督北海王顥率諸將討之
十一月高平人共迎胡琛詔太傅京兆王繼爲太師
大將軍率諸將討之

孝昌元年正月徐州刺史元法僧據城反害行臺高
諒自稱宋王年號天啟遣其子景仲歸於梁遣其將
胡龍牙成景雋元畧等率衆赴彭城詔秘書監安樂
王鑒討之鑒爲法僧所敗梁遣豫章王綜入守彭城
詔鎮國將軍臨淮王彧尚書李憲爲都督衛將軍國
子祭酒安豐王延明爲東道行臺儀同三司李崇爲
東道大都督俱討徐州

二年正月王原降戶鮮于修禮及於定州號魯興元年詔左光祿大夫長孫稚爲使持節假驃騎將軍大都督北討諸軍事與都督河間王琛率衆討之

六月降蜀陳雙熾聚衆反自號始興王詔假鎮西將軍都督長孫稚討平之

三年正月梁將湛僧圍東豫州詔散騎常侍元暉爲都督以討之是月梁又遣將彭羣王辯等率衆數萬逼琅邪詔青州南青州討之是月以四方未平詔內外戒嚴將親出討

二月東郡民趙顯德反殺太守裴煙自號都督立其

兄子爲太守詔都督李叔仁討之四月是月梁將成

景雋寇彭城詔員外常侍崔孝芬爲行臺率將擊走之三月齊州廣川民劉均執清河太守邵懷聚衆反自署大行臺清河民房頊自署大都督屯據昌國城詔都督李叔仁討平之

八月詔都督源子邕李軌裴衍等討葛榮十月雍州刺史蕭寶寅據州反自號曰齊年稱隆緒詔尚書右僕射長孫稚討之

武泰元年二月羣盜燒劫鞏縣以西關口以東公潞澗以南詔武衛將軍李神軌爲都督討平之

孝莊建義元年五月梁遣將曹義宗寇荊州以中軍
吏部尚書費穆為使持節都督征南諸軍事節度荆
州刺史王熙以討之是年万侯醜奴僭大號除左衛
將軍爾朱天光都督雍岐二州諸軍事雍州刺史率
大都督武衛將軍賀拔岳大都督侯莫陳悅等以討
醜奴擊走之

六月幽州平北府主簿河間邢杲率河北流民十餘
萬戶於青州之北海自署漢王年號天統以征東將
軍李叔仁為車騎大將軍率眾討之

七月光州人劉舉聚眾數千及於濮陽自稱皇武大
將軍詔大都督宗正珍孫率南廣州刺史都督鄭先
護討破平之

九月詔太尉公上黨王天穆討葛榮次於朝歌之南
是月柱國大將軍爾朱榮率騎七萬討葛榮於金口
破擒之餘眾悉降

永安元年十二月詔行臺于暉迴師討邢杲次於歷
下

二年三月詔大將軍上黨王天穆與渤海王高歡討
邢杲

三年正月東徐州城民呂文欣王赦等殺刺史元大

賓據城反以撫軍將軍都官尚書樊子鵠兼右僕射
爲行臺督征南將軍都督賈顯智征東將軍徐州刺
史嚴思遠以討之

三月東
徐平

七月爾朱世隆據河橋逼京邑將軍李苗以大船焚
河橋世隆退走詔大都督兼尚書僕射行臺源子恭
率步騎一萬出西道行臺楊昱領都督李侃希等募
勇士八千從東路防討之子恭仍鎮太行丹谷

後周武帝保定三年九月詔柱國楊忠率騎一萬與
突厥伐齊十二月遣太保鄭國公達奚武率騎三萬
出平陽以應楊忠

天和二年閏六月陳湘州刺史華皎率衆來附遣襄
州總管衛國公直率柱國綏德公陸通大將軍田弘
權景宣元定等將兵拔之因而南伐

宣帝以宣政元年六月卽位十二月以上柱國河陽
總管滕王迥爲行軍元帥率衆伐陳免京師見徒竝
令從軍

大象元年九月以上柱國鄭國公韋孝寬爲行軍元
帥率行軍總管祝國公亮郟國公梁士彥以伐陳
十一月韋孝寬拔壽陽祝國公亮拔黃城梁士彥拔
廣陵陳人退走於是江北盡平

隋高祖開皇元年九月以上柱國薛國公長孫覽上
柱國宋安公元景山竝為行軍元帥以伐陳仍命尚
書左僕射高潁節度諸軍事帝謂潁曰我為百姓父
母豈可限一衣帶水不拯之乎命大造戰船人請密
之帝曰吾將顯行天誅何密之有使投棹於江若彼
能改吾又何求

二年正月陳遣使請和送班師

八年三月詔曰昔有苗不賓唐堯薄伐孫皓僭虐晉
武行誅有陳竊據江表逆天暴物朕初受天命陳瑱
尚存思欲教之以道不以恭行為令往來修睦望其
遷善時日無幾疊惡已聞厚納叛亡侵犯城戍句吳

闔越肆厥殘忍于時王師大舉將壹車書陳瑱及地
收兵深懷震懼責躬請約俄而致殞矜其喪禍仍詔
班師叔寶承風因求繼好載佇克念且敦行李每見
珪璫入朝輜軒出使何嘗不殷勤曉諭戒以維新而
狠子之心出而彌野威侮五行怠棄三正誅剪骨肉
夷滅才良據手掌之地恣溪壑之險劫奪閭閻資財
俱竭驅蹙內外勞役弗已徵貴子女擅造宮室日增
月益止足無期帷薄嬪嬙有踰萬數寶衣玉食窮奢
極侈淫樂飲酒俾晝作夜斬直言之客滅無罪之家
剖人之肝分人之血欺天造惡祭鬼求恩歌舞衢路

麟醉宮闈盛粉黛而執干戈曳綺羅而呼警蹕躍馬
振策從旦至昏無所經營馳走不息負田持技隨逐
徒行追而不及卽加罪譴自古昏亂罕或能比介士
武夫饑寒力役筋髓罄於土木性命俟於溝渠君子
潛逃小人得志家家隱殺戮各各任聚斂天災地孽
物怪人妖衣冠鉗口道路以目傾心趨足警告於我
日月以冀文泰相尋重以背德違言搖蕩疆場巴峽
之下海滙巴西江北江南爲鬼爲蜮丘隴窮發掘之
酷生居極攘寇之苦抄掠人畜斷截樵蘇市井不立
農事廢寢歷陽廣陵窺覲相繼或謀圍城邑或劫剝

吏人晝伏夜遊鼠竊狗盜彼則羸兵弊卒來必就擒
此則重門設險有勞藩捍天之所覆無非朕臣每關
聽覽有懷復惻有梁之國我南藩也其君入穴潛相
招誘不顧朕恩士女深迫脅之悲城府致空虛之嘆
非直朕居人上懷此無忘旣而百辟屢以爲言兆庶
不堪其請豈容對而不誅忍而不救近日秋始謀欲
弔人益却樓船盡令東驚便有神龍數十騰躍江流
引伐罪之師向金陵之路船住則龍止船行則龍去
四日之內三軍皆覩豈非蒼旻愛人幽明展事降神
先路協贊軍威以上天之靈助龕定之方便可出師

授律應機誅殄在斯舉也永清吳越其將士糧仗水陸資須期會進止一准別勅初帝將伐陳有事於太廟命晉王廣秦王俊清河公楊素竝爲行軍元帥於是廣出六合俊出襄陽素出信州荊州刺史劉仁恩出江州宜陽公王代積出蘄春新義公韓擒虎出廬江襄邑公賀若弼出吳州落藪公燕榮出東海合總管九十兵五十一萬八千皆受晉王節度東接蒼海西拒巴蜀旌旗舟楫橫亘數千里詔購陳叔寶位上柱國萬戶公乙亥行幸定城陳師警衆

煬帝以仁壽四年七月卽位八月并州總管漢王諒舉兵反詔尙書左僕射楊素右武衛大將軍周羅暉討平之

大業九年六月楊玄感反遣右翊衛大將軍宇文述與左候衛將軍屈突通等馳傳發兵以討之八月破玄感於閩鄉斬之餘黨平

十年四月彭城賊張大彪聚衆數萬保懸薄山爲盜遣榆林太守董純擊破斬之

十二月賊率孟讓衆十餘萬據都梁宮遣江都郡丞王世克擊破之盡虜其衆

十一年十二月詔民部尙書樊子蓋發關中兵討絳

邵賊敬樂陀柴保昌等

十二年九月東海人杜楊州沈覓敵等作亂衆至數

萬遣右禦衛將軍陳稜擊破之

十三年二月朔方人梁師都殺郡丞唐世宗據郡反

自稱大丞相遣銀青光祿大夫張世隆擊之

三月廬江人張子路舉兵反遣右禦衛將軍陳稜討

平之是月賊帥李通德衆十萬寇廬江遣左屯衛將

軍張鎮州擊破之

冊府元龜

前書式對後書式大書式

